

# MY BIBLE FIRST

PRIMARY YEAR A  
Q 3 #36

## A Huaiham Balaam Kam- sangpa

### SUNDAY

**1** Huih siangtho, avot hiau-hiau leh lopa dumte tawh khualzin lampaina nuam semsem hi. Israel tate in gamkeu zangkuam teng kheng khin uh a, tu in Moab gam tawh kinai semsem ta uh hi.

Moab minamte in Lot suan-le-khakte ahi uh hi. Amaute in milim a biak hangun, Israel mite in amaute buaisak loin, a gam nawl kinteng nawk bek ding uh cih Pasian in gen hi.

A sawt loin Amorites a kicite' gam sung lut uh hi. Hih minamte in milim bia in Pasian mudah uh hi. Hih mite in Israel mite a zo ziau ding kisa uh ahih manun amaute do ding pen lawp mahmah uh hi. A kumpipa min in Sihon kici hi. Moses in Kumpipa Sihon kiang-ah a laikhak sim in. **Gamlakvakna 21:21, 22.**

Sihon in Moses hopihna nial bek loin, a galkapte tawh Israel-te do ding in kuankhia uh hi.

Israel mite lau mahmah uh hi. Amau hihzah-a thahat galkapte bangci do zo ding hiam? Ahih hangin Pasian in Israel-te'n zo ding cih kamciam khin hi. Bek tham loin a kido khit uh ciangin Canaan a om Pasian thei lote na ngawn lau ding uh hi, cih zong kamciam hi. **Thuhilhikikna 2:24, 25.**

Moses in amau mai-a pai meiipi en gige hi. Pasian in amaute ompih cih thei hi. Tua ciangin mipite zong ahih thei zah-un kithawi khin uh hi. Bang piang hiam? **Gamlakvakna 21:24.**

Pasian in Abraham kiangah kum tampi lai-a a gen mah bangin, Amah'n Canaan



### KAMNGAH

Hauhna sangin min hoihna deihhuai zaw hi. Paunak 22: 1

**A good name is to be chosen rather than great riches. Proverbs 22:1**

a om mite hun tawmkhat pia nuam lai hi. Pasian in Egypt mite khut sung panin Ama mite a hotkhiatna, leh Pasian amaute a kepzia thute tu in Canaan mite in thei khin uh hi. Hun tampi kipia khin-a, ahih hangin amau Pasian Kha Siangtho nial teitei uh hi, zong hong gilo semsem uh hi.



### NGAIHSUN-IN:

**2 Peter 3:9 in bang gen hiam? Pasian' hong itna leh hong lungduaina ah na lung a dam hiam?**


### MONDAY

**2** B a s h a n k u m p i p a migol nam

Og in galkap tampi nei hi. Kulh sangpi tawh ki um

khuapite zong nei hi. Thukante gen zong aman ahi mah hi. Ahih hangin meii tungah Pasian om a, Israelte in gal a zo ding in kamciam pia khin hi. Bashan lam manawh ding in meiipi amaute paipih hi. **Gamlakvakna 21:33.**

Kumpipa Og leh a galkapte in galdo ding ngaklah uh hi. Israel mite in thagol galkap tul-lomte leh teipi zum zeza mu thei hi. A galkapte sang a gol zaw tham Kumpi Og zong kilang takin mu thei uh hi. Pasian leh amaute




a kisamsiatnate za ziahziah uh hi. Hih dan galkapte amau bangcih zawh ding uh hiam?

Israel mite'n Moses en uh hi. Amah lungmuang-in, lau vetlo hi. Tua in mipite hangsanna neisak hi. Amah'n Pasian kamicamte muang cih thei uh hi. Hangsan takin a lauhuai galte do dingin mainawt uh hi. Amau zo uh hi! **Aneu 34, 35** sim in.

A sawt loin Kumpipa Og leh a lauhuai galkapte om nawn lo cih thu Canaan mite za uh hi. Pasian i genkholhsa mah bang in, tu in amaute in Israel mite lau mahmah uh hi.


Israel galkapte a giahphual vuah ciahkik in, Pasian in gualzawhna a piakna thute a gen uh ciangin mipite zong nuam mahmah uh hi. Pasian in tuma kum 40 lai-in a pu a pate tua bang gualzawhna pia nuam hi. Ahih hangin amau Pasian muang nuam lo uh hi.

 **NGAIHSUN-IN:** *Pasian ading galzawh-na pen vasa mul khat a mutkhiat sang baksa zaw lo hi. Ahih hangin Amah i muan kul hi. 1 Cor. 15:57* Sim in. *Banghang hih lot ngah lo ding i hiam?*

## TUESDAY

**3** Moab te kumpipa Balak pen lau mahmah hi. Israel mite in Moab te a sukkhak nai loh hangin, a hat mahmah Sihon leh Og galkapte a suksiat lam uh Balak in thei hi. Israel mite in amau gam zong a do khak ding Balak leh a tapateng lau mahmah uh hi.

Moab mite in milimte bia in mitphialte um uh a, ahih hangin Israel' Pasian pen pasian dang ahikheh mitphiatte sangin a hat zawk lam thei uh hi. Amau kuan huh ding hiam? Tua laitak in Balaam a kici mipa khat amau kiang pan tai tampi ah a om lam mikhat



in a zak ngei lam phawk hi. Amah in thupha piak theihna, samsiat theihna, leh mailam hun genkholh-theihna a neih lam za uh hi. Amah kiangah huhna ngen uh hi.

A sawt loin Moab uliante a paikhia uh hi. Ni tampi khit ciangin, Balaam

inn ah hong tung uh hi. Balaam kiangah Israel-te thu, Egypt gam pan a paikhiatna uh leh Canaan gam-ah a taina uh thute gen hi. Gal a zawhnate uh leh tun Moab gei-ah giahphual a satna uh zong gen hi. A nget thute uh sim in. **Gamlakvakna 22:6.**



© sweetpublishing.com; License—<http://creativecommons.org/licenses/by-sa/3.0/>



© sweetpublishing.com; License—<http://creativecommons.org/licenses/by-sa/3.0/>

Bangbang hita leh, Balaam in kua hiam? Balaam in mihoih khat hi ngei hi, Pasian kamsang khat hilai hi. Bek tham loin, Pasian thumang kici lai hi. Himah leh sum pen ama pasian taktak hong suak hi. Balak in thaman letsong piak ding kamicam khin hi. Amah'ntua mite bangci dawnkik hiam? **Aneu 7-13.**

Kumpipa tapate kileh-kik in, Balaam in a dawnna kikna Kumpipa Balak kiang ah gen hi. Kumpipa Balak a lungkia diam? Zingciang a banzom kankhia ni.



## NGAIHSUN-IN:

*Israel-te Pasian in a makaih lam Balaam in thei khin hi. Pasian nasem taktak hileh kamtaite kiangah bang gen khin ding hiam? Satan in hong ze-et ciangin bangzah-in Pasian thu manzawk ding teelhuai hiam? Ahikheh paulap i zong zaw hiam?*

## WEDNESDAY

**4** Kumpipa Balak lungkia gawp hi. Bangci bangin Balaam paisak-in Israel mite samsia thei ding hiam? Thaman letsong lianzaw pia-in, leh a thupi zaw kamtaite sawl leng, Balaam' lungsim kikheel thei kha ding hi. **Gamlakvakna 22:15-17** sim in.

Balaam in Pasian thumang hi cih a lah theih nang hunpha khat hi tun ngah hi. Tua tangin, amah'n bang hih hiam, bang piang hiam? **Aneu 18-21.**

Pasian in Balaam a deihi bangin gamtasak a, ahih hangin Pasian sawlteng bek gen ding, amah deihi kam mal zang lo ding hi, ci phawksak hi. Moab paina lamkal-ah, Pasian in Balaam na hih sawm pen khial hih cih lak nang na lamdang pawlkhat bawl hi. Amasa in Balaam tuanna laa in nalamdang khat hong bawl hi. Bang hiam, tua leh banghang tua laa-in tua nalamdang bawl hiam? **Aneu 22, 23.**


Pasian in Balaam muh theih loh a laa musak hi. A sawt loin a laa zong lau-kik hi, tun Balaam zong heh semsem hi. **Aneu 24, 25.**

Khat vei lai, laa mai ah vantungmi diing hi. Tua lian tak-in tua laa in a hihtheih khat beek om hi. Bang hang? Balaam koi bangin gamta hiam? **Aneu 26, 27.**




Tu in Balaam heh mahmah hi. Pasion in a nalam-dang bawla, hih laa a pausak pen heh mahmah a, Balaam in a theilo tawh kibang hi. Mi bangin tua la pen dawngkik liang hi. **Aneu 26, 27** sung sim lai in.

A tawpna ah, Pasion vantung mi in a laa in bang-hang hihzah a lau cih Balaam musak hi. Tu in Balaam lau mahmah hun hita hi. Pasion vantung mi in a khut sungah na khat tawi in, tua pen a hehpih huai mawhnei lo a laa sangin Balaam thuak ding hi zaw hi. **Aneu 31.**

 **NGAIHSUN-IN:** *Ganhing tungah mihingte a gitloh uh ciangin Pasion in a thei hiam? Thei mah hi. Ei tawh vantungmite hong omkhawm den hiam? Balaam in tua thu pen phawk hi ci-in na um hiam? En e?*

## THURSDAY

 Kumpipa Balak lawp mahmah hi. Israel mite a samsia dingin Balaam hong pai hi. Amah tawh kimu dingin manlang takin pai hi. Koi danin Kumpipa Balak in Balaam muak hiam? Balaam in Pasion genkholhnate a gen hiam? **Gamlak 22:37, 38.**

A zingciang-in, Kumpi Balak in Israel te giahphual a kimuh theih nading mun-ah Balaam paipih hi. Bang dan giahbukte mu ding a na um? Lesson 32 a kigelhdan lian mahin kilam hi. Siangtho mahmah in zong kigual sitset hi - hih sitset mahmah hi. Tua khit ciang biak-buk tungah mei hoih mahmah om hi. Israel mite tua mei in a makaih lam mi khempeuh in thei hi.

Israelte in biakpiakna tau-a a neih uh pen Balaam in thei hi. Tua ahih manin amah'n zong biak-piakna tau bawl hi. Ahih hangin amau a sangin amah azah sagih in lian zaw ding hi. **Gamlakvakna 23:1-4.**


Balaam in Pasion lungsim kikheel ding a deihna in bangci gen hiam?

Pasion apau ciang, Israel te thupha pia hi. Pasion na sepna Balaam in kumpi pa leh a tate kiang a gen ciang bang ci hiam cih na ngaih sun ngei hiam? **Aneu 5-10.** Kumpi Balak leh a tate bang ci om? **Aneu 11.**


Tua ciangin kumpipa in tuadan lian mah in mun dang ah hih dingin ngaihsun hi. Pasion in Israel te thupha pia leuleu hi. Kumpipa Balak zong heh mahmah hi. Ahih hangin khatvei aman sawm lai hi. **Aneu 27-30.**

Tua ciang in Pasion in Israel te nidang sangin azah tam zaw in thupha pia hi. Kumpipa Balak zong heh mahmah in Balaam a manlang in paikhiasak zolo hi. Balaam in zong kei pai ning, ahih hang Pasion in amah kam vaikhakna khat nei hi. Tua khit ciangin amah

zong paikhia hi. Balak heh lua a, Balaam zong lungkia gawp hi. Amah'n thaman letsong khat zong ngah lo hi.

 **NGAIHSUN-IN:** *Pasion in Balaam tungtawnin a bawl thuphate leh genkholhnate nang leh na innkuanpihte in sim nuam nasa ding uh hi. Banghang Sabbath kikhop ma hih lo i hiam? Gamlak. 23; 24.*

## FRIDAY

 Tukul i tangthu sungah, Balaam in bang thukham ahia a zuih loh? A masa pen? A tawp na pen? A nih a? Et loh in na gen thei na? **Pai-khiatna 20:3, 17.**

Pasion in a ngahsak loh hangin, Balaam in kumpipa kamciamsa ahi thaman letsongte deih mahmah hi. A sawt loin amah zong kumpipa kiangah paikik in, kumpipa tungah ahoih lo a sia gelna khat gen hi. Amah'n Pasion in hih gelna apian loh ding kham thei lo ding hi, cih lamen hi. A gelna hoih tuak ahih manin kumpipa Baalak in zong hih ding thukim hi. Moab leh Midian mite in Baal pasian, lungdam kohna in pawl bawl dingin Israel te zong sap sawm uh hi.

Amaute in, "Hehpihna tawh hong pai un, Lawp-huai lua ding hi. Numei hoihte om in, lamna, lasakna, pawian leh zu zong tampi om ding hi," ci hi.

Jordan tuipei kantan-in Canaan gam zuan dingin Israel mite kithawi a, ahih zongin Israel tampi, leh a makaite na leng, pawl ah pai uh hi. Pasion Thukham Sawmte phawknawn lo uh hi. Israel tampi in Moab le Midian te Baal biakna naleng ah kihel uh hi.

Hih thu Moses in a theih ciangin, amah'n lamdang sa mahmah hi. Mite Pasion thu nial in a ut bangin a om ciangin Pasion in lamlak thei lo lam amaan a thei hi. Baalbiakna a susia nuam maikai kiciante tungah sawlna khat a tung hi.

Pasion in mawh nei-a lungsim takpi tawh a kisik-kik te mawh maisak mah hi. Ahih hangin Moab mite leh Balaam in Satan a tel zawkna kimucian thei hi. A sawt loin, Israel miten agamtatsia Midian-te ado ciangin Balaam zong tuah om ahih manin a nuntakna a suplawh hi.

 **NGAIHSUN-IN:** *Angsungkhualna in lung-nopna hong pia thei lo hilo hiam? Jude 11 sim in.*

**FURTHER STUDY:** Numbers 21:21-25:18; *Patriarchs and Prophets*, pp. 433-461; *The Bible Story*, vol. 3, pp. 58-63.





## THE STORY CORNER

# Minute Khat Aval-in - Khen 2

Adapted from *Scrapbook Stories* by Amy Sherrard

**A**tawpna ah Jane in Larry dotna dawngin, “Na nu leh Heidi pen na Aunt Mary kiangah hawh dingin meileng tawh pai khin hi,” ci hi. Maitai lo tak-in Jane in Larry liangzut in, “Larry aw, na laploh pen dah mahmah ing,” ci hi.

Tu in Larry kilat hi. A nu leh Heidi in a paisanna thu a zak pen baihsa lo hi. Aunt Mary’ lo neih pen amah leh a sanggamnu in leitung khempeuh ah a pai nopnapen mun ahi hi. Larry in a sikeu leh sikeu-ka khia in, annekna sabuai pan paikhia a, a inndeit tungah taii to hi. A kongkhak khak in, amah leh amah a lupna tungah kidenna a, agol khit hangin, amah kap hi.

A tawpna ah, amah hong tu khia hi. Anu in nang ading a lamdang na ka geelte na theihnop aleh kidawm takin hun a cin ciangin lengla inndeit ah pai-in a cih pen phawkkik hi.

Bek tham loin, a zekai theihzelna, mi a kingaksakzelna pan a kidop nanging a gente zong phawkkik hi. Tua a zekai theihna pan a kikheel kei aleh a gol zawk ciangin tua in amah buaisak semsem ding hi, ci hi. Muanhuai tak-a om dingin a kisin kul ding a, kiciamnate ah hun maan den ding cih pen a sin kul hi.

Larry in a nu leh Heidi pen nai 10 a cin lian leh meileng omna mun zuan in pai ding hi, cih pen thei hi. A nu in zong amah hunlap tak a paikhia theih nadingin a kiginkholh ding lunggulh hi, cih thei hi. Hun maan in a kigin’ zawh kei aleh, hih a khualzin khak lohna in a ngeina hoih lote kikheel nading a sinsak hithei ding hi.

Mite tungah migi ding pen Larry ut mahmah hi. A zekai man leh a ki-ngaksak zelna hanga mite a hehsaknate ngaihsun kikkik hi. Tu in amah in a khat

veina, a zongsatna hoih lote hong kiphawkkik a, a kikheel nanging lungsim tak tawh khentatna bawl hi.

Larry in Aunt Mary’ lo neih ngaihsunkik hi. Nidanga a hawh lai-in nuamsa mahmah hi! Sakol tung tuangin, bawng leh akte anpia a, ui tawh kimawl in, singkung kah in, gam sungah zong vak uh hi. Tam veipi tak a hawh-kik theih nanging ngen uh hi.

Ahih hangin Aunt Mary omna pen gamla lua hi; tua kawmkal meigong a hihna uh

tawh, a nu in inn na sep

kul ahih manin amah khual in

thei mengmeng lo hi.

Larry in tu in ngaihsut hun ding tampi nei hi. Sabbath ni in, thu kigente in ama ading bek tawh kibang hi. Siapa in mi dangte ading ngaihsutsak ding, leh hun mawkei sak lo ding a thupitzia gen hi.

Monday zingsang hong tun ciangin, Larry in a nu leh Heidi nuihmai takin na dawn hi. A nu in a haksa theihhuai sinna pen tu in thei ta aive maw, cih tel hi. A it mahmah a tapa zong muan takcingin a kampau tangtungsak a, hun lap den tading hi. (Manta)



**Additional resources:** nature lessons, activities, music, Bible lessons, Scripture memory, and more.

**My Bible First** Copyright © 2015

**Phone:** 1-877-242-5317

**Web:** [www.mybiblefirst.org](http://www.mybiblefirst.org) • **E-mail:** [sales@mybiblefirst.org](mailto:sales@mybiblefirst.org)

*Unless otherwise noted, Scripture quotations are from the NKJV.*